



UGOVOR

o nabavci rezervnih dijelova za regulacione mjerne setove (rezervni dijelovi za regulatore model 1893B i 1853, sitni dijelovi, dijelovi za daljinsko očitavanje)

Ugovorne strane:

KJKP „Sarajevogas“ d.o.o., ul. Trg Fadile Odžaković Žute br. 4, Sarajevo
Koga zastupa: Direktor Preduzeća mr.sc.Nihada Glamoč dipl.ing.maš. (u daljem tekstu: Kupac)

i „Unis Fagas“ d.o.o., ul.Rajlovačka bb, Sarajevo
Koga zastupa: Direktor Alen Gradašević (u daljem tekstu: Prodavac)

Član 1.

Predmet ovog Ugovora je nabavka rezervnih dijelova za regulacione mjerne setove (rezervni dijelovi za regulatore model 1893 B i 1853, sitni dijelovi, dijelovi za daljinsko očitavanje) po provedenom pregovaračkom postupku bez objave obavještenja broj PP 05-01/17 od 17.03.2016.godine. Prodavac je dostavio ponudu prema obrascu za cijenu konačne ponude br. SPOJ04PP05-01/17 Kupca, koji je priložen uz ovaj ugovor i predstavlja njegov sastavni dio. Sadržaj i vrijednost roba iz stava 1.ovog člana,Obrazac za cijenu konačne ponude, priložen je ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora sa uračunatim popustom od 5% (ili 30.641,37 KM) i bez PDV-a iznosi: 582.185,99 KM (slovima:petstoosamdesetdvijehiljadestotinuosamdesetšest i 99/100 KM), a jedinične cijene su fiksne, specificirane su u prilogu ovog Ugovora i čine njegov sastavni dio.

Član 3.

Prodavac će robu iz člana 1. ovog ugovora isporučivati i fakturisati prema sukcesivnim narudžbama Kupca tokom trajanja ugovora. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane u skladištu KJKP „Sarajevogas“ d.o.o. na Butilama. Rok isporuke robe iz člana 1.ugovora je 15 (petnaest) dana od dana dostavljanja narudžbe Prodavcu.

Član 4.

Plaćanje isporučene robe Kupac će izvršiti u roku od 45 (četrdesetpet) dana nakon izvršene isporuke robe od strane Prodavca i uredno ispostavljene fakture, na transakcijski račun naznačen na fakturi Prodavca.

Član 5.

Obaveza Prodavca je da isporuku robe izvrši u roku, količini i kvaliteti kako je ugovoreno, uz obavezno dostavljanje originalnih rezervnih dijelova za navedene atestirane regulatore i atestno tehničke dokumentacije za isporučenu robu. Ukoliko se Prodavac ne bude pridržavao odredbi preciziranih ovim ugovorom, Kupac zadržava pravo da predmetnu robu vrati na teret Prodavca uz naknadu prouzrokovane štete.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo uslijed više sile. Pod višom silom podrazumjevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane.



SARAJEVOGAS d.o.o. SARAJEVO

Kantonalno javno komunalno preduzeće za snabdijevanje prirodnim gasom

UG

OJ

04

RB/GOD
PP 05-01/17

Član 7.

Prodavac nije ovlašten da zaključuje podugovore sa drugim licima u cilju realizacije ugovorenih obaveza bez predhodnog pismenog odobrenja Kupca.

Član 8.

Ukoliko se Prodavac ne bude pridržavao odredbi preciziranih ovim ugovorom, a koje se tiču kvaliteta isporučene robe, Kupac zadržava pravo da predmetnu robu vrati na teret Prodavca, uz naknadu štete.

Član 9.

Za svaki dan kašnjenja u isporuci robe Kupac će Prodavcu zaračunati penale u iznosu od 1% s tim da ukupan iznos penala ne može biti veći od 5% ukupne vrijednosti ugovora.

Član 10.

Ukoliko Kupac u ugovorenom roku iz člana 4. ovog ugovora ne plati isporučenu robu, obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 12.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije po pregovaračkom postupku bez objave obavještenja ili koja su angažovana kao stručna lica u pripremi prijedloga za dodjelu navedenog ugovora o javnoj nabavci. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorne strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca

Direktor:

Alen Gradašević



Broj i datum ugovora, 012/17

Za Kupca

Direktor Preduzeća:

Mr. sc. Nihada Glamoč, dipl.ing.maš.

Izvršni direktor:

Mr. Mehmed Mehović, dipl.oec.

Broj i datum ugovora, 83/17

18-04-2017